

蕭山鄉志  
高小國民學校通用

圖  
整  
庫



# 蕭山鄉土志

## 第一課

### 概論

士生今日喜言游歷謂非是不足以廣見聞資考證也豪放之徒足跡徧五洲於其間風土人情每津津樂道焉而一叩以故鄉之事實或瞠目不能置一詞數典忘祖識者譏之

欲免斯弊莫如取鄉土志而研究之試思吾人生於此鄉長於此鄉以疆域區畫論則我疆我理田里皆傳自祖宗以山水古蹟論則某水某山釣游或始自童子以人物論則遙遙前哲非吾伯叔卽吾父兄以丁口論則芸芸衆生非我姻親卽我族黨此外風俗

## 蕭山鄉土志

二

蕭山縣內合義和書局印

之醇澆物產之多寡工商業之發達與否交通之便利與否皆與我身有密切之關係而況歷史之資料在是地理之資料在是理科之資料亦在是固不僅以誇多識供談助已也

## 第二課

### 疆域

蕭山古爲揚州之域至漢而置縣稱曰餘暨屬會稽郡吳曰永興唐天寶後始更今名後世因之東西廣六十二里南北袤九十里襟江負海寧台之肩西控錢塘富陽東抵山陰諸全諸海昌寧海在其左右誠浙東之重地也

赭山向隸海寧至嘉慶間始隸吾蕭此則滄桑變易

形勢不同故也

西陵城相傳始於越句踐時吳越王錢鏐又增築焉然久廢矣今城始於明嘉靖三十二年周圍九里城門四東曰達台南曰拱秀西曰連山北曰靜海水門三東曰派入三江南曰清比郎官西曰越臺重鎮又有小南門曰文明門建置稍後蓋始於嘉靖四十三年云

備考

廣表里數依據乾隆志

西陵城乾隆志云舊志載古城四曰西陵城曰越王城曰浙江南路西城曰錢清城惟此最足據

蕭山鄉土志

三

蕭山城內合義和書局印

今城為知縣施堯臣所建東城樓名近日南城樓名拙政西城樓名聽潮北城樓名連山

小南門知縣趙睿所建

郎官湖名李白泛郎官湖詩序

故人尚書郎張謂出使夏口觴於江城之南湖因舉酒酌水號

之日郎官湖今以在城之南故比之也

第三課

區畫

舊名

蕭山舊稱二十四鄉曰崇化凡二曰昭名即昭明曰由

化曰由夏曰夏孝曰長興曰安養曰許賢凡二曰孝

梯凡二曰長山凡三曰桃源凡二曰新義曰新義曰

苧羅曰苧羅曰里仁曰鳳儀曰儀鳳市三曰縣市曰

臨浦市曰龕山市鎮三曰西興鎮曰漁浦鎮曰錢清

鎮今則一二繁盛之區人煙稠密貨物薈萃駸駸乎  
成市鎮者漸多固不能以此限之也

二十四鄉中夏孝以吳夏方孝行得名許賢以唐許  
伯會名孝悌以宋郭世道亦作世通名此皆以人名者也  
長山桃源苧羅則皆以地名者也宋時以鄉領里其  
名甚繁茲不備載

### 備考

夏方宇文正年十四負土成墳伯會世通亦以孝稱

### 第四課

又新名

二十四鄉如上所述蓋舊名也今則劃分二十八鄉  
爲自治區更領之以十區爲暫行選舉區云

## 蕭山鄉土志

### 四

蕭山城內台義和書局印

第一區城區西興城北屬之第二區仁化龍泉屬之  
第三區龕山赭山西倉西牧屬之第四區蓬山培新  
鎮靖靖雷正義屬之第五區潘西湘東屬之第六區  
沈村屬之第七區義橋浦南開明屬之第八區紫霞  
河上長山大同屬之第九區苧羅桃源屬之第十區  
長河長安屬之

居今稽古惟長山桃源苧羅三鄉名尙從同而所領  
已有廣狹之異此外則大相逕庭蓋舊名尙文新名  
從質學者宜詳今而畧古又以塘外沙地逐漸漲升  
因成南沙九鄉分屬於第三四兩區然現定二十八  
鄉中其間幅員之比較人口之多寡亦甚懸殊非盡

相等所稱西牧鄉已坍沒十分之九不成爲鄉所定第六區祇領一鄉亦不成爲區理勢上似宜提議改劃也

第五課 山川山

蕭山以縣西一里蕭山得名今其址所在不可指矣舊志以爲卽西山有白龜井其北麓有金泉井其南麓有潘泉井云

縣西三里有菊山以多甘菊得名菊山之西曰茗山以多奇茗得名王十朋會稽三賦中嘗稱之縣北一里曰北幹山晉許詢家於此山之陽登其上可以遠眺錢江故時屆八月觀潮者甚多清明植樹

蕭山鄉土志

五

蕭山縣內合美和書局印

亦集於此其巔曰玉頂峯舊有四望臺今廢矣惟松風古院尙存蓋北幹松風爲吾蕭八景之一向與西山梅雨並稱云

東三里許有去虎山相傳宋景德間猛虎嘗傷人縣令杜守一有德政一夕虎負子渡江西去故名

備考

里數均依據乾隆志

第六課 又

城山在縣西九里其山中卑四高宛如城堞名越王城又名越王臺山巖有兩石竅通泉冬夏不竭曰佛眼泉山半有池曰洗馬泉

冠山在縣西二十里山形如冠有泉甚甘  
石巖山在縣西南十二里狀如獅子故又名獅子山  
石巖秋望亦八景之一也摩烏山在縣西南一十五  
里湘湖中或曰亞父斷蕭山南嶺將摩於烏江故名  
其說荒誕不足信也  
湖中之山如眉山荷山等不可勝記惟楊岐山較著  
名  
每值三春佳日桃李盛開紅白相映望之如畫屏遠  
列山中居民多以樵採種植爲業煙消日出竹籬茅  
舍皆可指數亦遊觀之一助也

備考

蕭山鄉土志

六

蕭山城內合德和書局印

越王臺卽昔人詩中所謂西陵拱越台者故城西門  
名越台重嶺

第七課 又

大山在縣西南九十里一名長山其南之最高者曰  
鏡台山岩曰元度岩洞曰仙人洞溪口又有仙人石  
云

州口山在大山北九里龍門馬谷又在其北云

東蜀西蜀在縣南十餘里兩山對峙無所連屬故名  
蜀者獨也

前峽後峽兩山相夾亦在縣南

苧羅山在縣南二十五里舊志云有西施宅紅粉石

恐亦傳訛之說也

尖山在縣南四十五里橫山在縣南六十里金雞白鹿均在縣南六十里

化山縣南六十五里塚嶺縣南六十五里在玉峰山東南

黃竹山在縣東三十三里舊志云范蠡遺鞭於此生筍為竹色皆黃然耶否耶航塢山在縣東四十里亦以句踐得名云

第八課 又

龕山在縣東五十里其形如龕相傳為錢武肅王屯兵之所山上巨石有馬蹄迹名馬蹄石

蕭山鄉土志

七

蕭山城內合義和書局印

驚子山在縣北二十五里海中與赭山對峙青龍白虎即赭

山門戶

臨江山在縣東南二十里舊名牛頭山天寶中改今名

長山即荏山在縣東北十里昔越王曾種荏於此

洛思山在縣東北三十六里太平御覽謂漢朱儁遭母喪北望京洛憂思而死後葬此山故名恐未必然

鬪雞山在縣西北三里兩山昂頭相向若鬪雞狀以上諸山皆取其尤著名者此外重山疊嶽隨在皆是固非此編所能盡也

襟江負海之勝前言之矣疆域課此外河流之最著名者曰運河運河直通西陵在城支流凡四而通者惟西河去縣西一百五十步

湘湖在縣西二里本民田低窪受浸宋時居民奏乞為湖楊龜山來知縣事成之周八十里詳見水利課湘湖雲影亦八景之一

白馬湖在縣西三十里濱湖之民多以漁為業云

東門外亦為運河惟因地異名滂湖在縣東十五里

塘河俗呼南門江在縣南一里北抵蘇家潭南抵白露塘

浦陽江東去縣四十里東南去縣一十五里南去縣三十里北至臨浦北東至錢清鎮曰錢清江清江月色亦八景之一

### 蕭山鄉土志

八

蕭山城內合義和書局印

漁浦在縣西南三十里浦陽江水之所經也漁浦烟光亦八景之一

### 備考

城河支流四西河外一衡河二鳳堰橋下三金家橋下最短俱不通

浦陽江與松江浙江名三江故城東門名派入三江八景上已六見合西陵觀潮江寺鐘聲而八景全

當參看水利課

### 第十課

### 水利

吾蕭水利首在湘湖宋神宗朝居民吳氏等請於楊文靖公至政和二年而湖成宣和初年有淤湖復田之議民咸不可乾道中又有請以湖為田者邑丞力

爭之事遂寢元明之間湖濱之民多佔爲田永樂間清之至天順朝復多侵入魏文靖公授意於門人御史何公舜賓令復湖縣令鄒魯殺害侍御子競復仇并訟冤於朝卒得直詳見人物課正德中又有占湖者工部尙書張嶺按察司僉事富璫請之其地盡斷還官清康熙時湖民私自築堤架橋亦以邑人力爭立石永禁清末屢有開湖之請辨論紛紜以格於衆議卒不果然清湖濬湖久無議及之者矣

備考

邑丞趙善濟

築堤架橋南自柴嶺北至湖嶺約三里許邑令劉儼

蕭山鄉土志

九

蕭山城內台義和書局印

禁之邑人大理丞任辰旦爲記立石

第十一課

又

湘湖周圍八十餘里通計田三萬七千零二畝廢爲湖以溉由化等九鄉之田以地勢有高下故放水有先後分爲六等計豪釐限尺寸并有一定時刻云宋嘉定間議清湖界論者謂山土黃湖土青乃立爲令凡湖東西兩沿以金線爲界金線者謂界黃於青若線緝然自山麓黃盡處皆湖身也

湖中頗饒風景昔人有瀟湘之目湖濱居民多以捕魚爲業瓜皮小艇往來不絕或取湖草以作壅田之資料晨出午歸習以爲常又取泥燒之成瓦獲資頗

豐故窰竈之設彌望皆是論者謂其利益勝於杭之西湖云

備考

九鄉由化夏孝安養長興許賢新義來蘇崇化昭名放水(一)柳塘周婆湫(二)歷山南(三)歷山北(四)黃家湫金二穴楊岐山穴河墅堰(五)東斗門石家湫划船港亭子頭許賢窪(六)四童家湫(七)五鳳林穴橫塘石岩斗門(八)黃家窪其法乃趙善濟所定

瀟湘錢宰湘陰草堂記云邑人謂境之勝若瀟湘然因以名之

黃土青土之說發明於知縣郭瀾明之子

蕭山鄉土志

十

蕭山城內合義和書局印

第十二課

又

西江塘從古有之不知其始在縣西南三十里邑之盡處也塘外爲富陽江其上源高而吾蕭在其下流賴此捍之

鄉先達魏文靖公驥於明景泰間躬負畚耜親課榷石修築江塘正德間張大司空嶺復修之清康熙間周之冕督工修葺旋又添築備塘云

北海塘自長山之尾東接龕山之首橫亘四十里在由化鄉者爲龍王塘東至由夏鄉爲橫塘爲萬柳塘又東至鳳儀鄉爲巨塘爲瓜瀝塘爲任家塘

五代時錢武肅王始築捍海塘宋咸淳中圯太守劉

良貴改築之植柳萬餘株名曰萬柳塘明洪武中易土爲石嗣後代有修築云

備考

西江添築備塘在清康熙時

第十三課

又

西興塘開始自吳越王明萬歷間邑令劉會改築石塘又建興勝塔以厭之

湘湖塘周八十餘里魏文靖公致仕歸視楊公舊規墜廢設法添築新塘并增築臥羊坡以避湖中風浪栽柳於塘使其堅久鄉人便之

白露塘卽荻徑塘元王胄詩古塘頽荻徑秋來荻花

蕭山鄉土志

十一

蕭山城內合義和書局印

盛留得荻花根能保蒼生命卽此是也

此外又有周家湖塘蘆康河塘桃源塘橫塘等名堰閘及壩其名甚多不及備載惟股堰乃元里正楊伯遠妻王氏割股投水水忽漲沙成堰故名則又地以人傳者也

第十四課

又

前述湘湖外在西者有落星湖詹家湖等名在東者有瓜瀝湖牧馬湖等名在南者有淨林湖厲市湖等名皆有關於水利者也

要而論之湖以蓄水湘湖爲最而他湖其次西北兩塘利害頗大蓋西江塘受三衢徽婺諸地方之水而

會於蕭北海塘則爲海水出入之衝是二塘之所關非細也又有堰壩所以障水之出入而不以時啟閉者開則可閉可啟用以爲旱潦之備水旱無憂農家自有豐收之望卽此外居民亦咸受其利矣麻溪壩地不屬蕭而與吾蕭關係頗切近紹人有議開者鄉民多反對之後雖僅開一穴而涓涓不塞隱患殊深可勝歎哉

### 第十五課

### 古蹟

固陵城者在縣西十二里卽西陵城范蠡敦兵城也其陵固而可守故謂之固陵

越王城在縣西九里來集之樵書云基址尙存

### 蕭山鄉土志

### 十二

蕭山城內合義和書局印

越王臺在縣西唐李白詩西陵拱越臺是也

此外如涉皇山防塢杭塢豕山朱餘皆以句踐得名云

自古在昔地以人重後人披榛撥蕪古蹟是尋其樂於稱道者宜也夫句踐爲吳所敗時勢窮蹙鐵嶺以東爲所防守理或然與惟西施所產當在諸邑而越絕書云蕭山西施之所出見後漢書註遂多據爲典故者豈實有其事耶抑出於附會耶

### 備考

西施宅在苧蘿山下詳見前山川課

莊亭卽西興驛謂西施至此梳妝渡江也

涉皇山見後漢書郡國志注

防塢見越絕書

航越見前山川課

豕山朱餘亦見塢絕書

第十六課

又

賢哲挺生實爲閭里光許賢夏孝各名其鄉前旣言之矣而猶未盡也

孝行里卽獨楓里郭世通所居元嘉四年改爲孝行里又縣南郭鳳埭亦以世通得名

瓜瀆在孝悌鄉南史郭原平以種瓜爲業大明七年早瓜瀆不復通船縣令下瀆水與之原平曰今方大

蕭山鄉土志

十三

蕭山城內合義和書局印

早百姓俱困豈可減溉田之水以通運瓜之船乃步從他道往

此外旌門表里建坊以垂諸久遠者不可勝記而要以魏文靖公之達尊坊何舜賓之繡衣坊爲最著名人以坊重與抑坊以人重與

至於節婦旌表建坊者尤多亦足見吾蕭之多賢婦也

備考

許賢夏孝見上區畫課

原平世通之子縣令劉僧秀

第十七課

又

遺愛去思古亦有之如一錢亭在錢清鎮爲漢劉寵

建今廢

錢清江亦以此得名

取石亭梁會稽郡丞江革除都官尙書將還民皆戀惜之贈遺無所受唯乘臺所給一舸舸偏欹不得安臥或告以濟江甚險乃於西陵岸取石十餘片實之後人構亭於江岸因名

靈泉唐主簿宋思禮母羸疾大旱水涸渴思得泉思禮祝之泉出於廨內駱賓王爲之頌

嗚呼寵之賢尙矣江革載西陵石與陸績載鬱林石皆因船輕事蹟相同足見古人仕路清風至思禮之孝感泉雖非惠澤及民而其行誼亦有足稱宜後世

### 蕭山鄉土志

#### 十四

蕭山城內合義和書局印

之流傳勿替也

備考

陸績三國人曾爲鬱林太守

第十八課

又

彼君子兮噬肯來游詩人咏之故其足跡所經後人亦永矢勿諼云

秦君宅唐詩人秦系所寓

在由化鄉

故縣有秦君里里有麗句亭戴叔倫詩云北人歸欲盡猶自住蕭山閉戶不曾出詩名滿世間卽謂此也

交輝樓在北幹山任長者舊宅相傳永嘉高誠寓此編琵琶記燭光交映故名高遷亭沈約曰蔡邕嘗經

永興高遷亭見椽竹可爲笛取用果有異聲卽其地也

省軒元尉王麟伯官蕭山時所居戴表元爲之記見浙江通志

若千秋觀之爲賀知章宅則昔人有疑之者然舊志仍列入古蹟門云

備考

秦君里屬由化鄉

第十九課

又

地有以名人題咏而得名者如漁浦潭晉謝靈運梁邱希範皆有詩唐司空曙登高詩亦有漁浦浪花搖

蕭山鄉土志

十五

蕭山城內合義和書局印

素壁西陵樹色入秋牕之句

西陵館唐周匡物題詩云萬里茫茫天塹遙秦王底事不安橋錢塘江口無錢渡又阻西陵兩信潮

雙童卽白鶴橋唐宋之間詩溪邊逢五老橋下覓雙童明高啟有早過蕭山歷白鶴諸郵詩

臨川亭宋林希有詩

江聲草堂在西興鎮元薩天錫詩云卜居西陵下門臨大江泉是也

越山亭劉誠意有越山亭曉望詩

由此觀之文人學士偶爾揮毫卽其地亦爲之增色矣豈不貴哉

備考

白鶴橋在白鶴舖前東與山陰界五老溪名  
臨川亭嘉泰會稽志但言在蕭山縣今廢未詳其地  
越山亭浙江通志亦未言所在

第二十一課

又

市隱齋元賈性之舊宅劉誠意伯有記棣萼軒在招  
賢坊包大同所居劉誠意為之記

怡怡山堂又名蕭然山堂在北幹山為任長者別墅  
劉誠意記之

湘湖草堂黃友初故居凌雲翰題有湘湖卜宅似江  
郊之句

蕭山鄉土志

十六

蕭山城內合義和書局印

此外捨宅為寺者有二一許詢宅在城內清風坊唐  
王勃山亭序云永興新郊許元度之風月蓋謂此也  
其後捨宅為寺曰崇化即今祇園故祇園有許寺之稱云  
一江令宅在招賢坊江總之宅也旅捨為寺即今覺  
苑寺或以為江淹事而并有夢筆橋之名則誤矣

備考

隱齋原記但言在蕭山而已

捨宅為寺依據嘉泰會稽志後人亦有以為誤者  
夢筆江淹幼時夢人授以五色筆

第二十一課

人物

晉之夏方宋之郭

世通原平

唐之許

伯會

前已畧述之矣茲